



VAR AR PEOC'H.

Compozet gant an Otrou VRY.

Var ton : *Potret Loguivy.*

CAERA urs deut demp a nevez,
Eus abeurs ar Roue !
Joaüssa qêlou
Evidomp arruet !
Deut prest d'en selaou ;
Bazit oll ravisset.
Ne qet ur c'hraç particulier ;
Ne qet ur mad dister ;
Mes un abondanç
A vad universel
A laqa en Franç
Ar joa ma da sevel.
Ar Peoc'h pel so voa désiret ;
Zo roet deomp ha sinet.
O ! Peoc'h benig'et !
Deut deomp deus an Evou ;
C'houi ra oll g'enet

Ar Rouantelezeou.

Brezel cris, brezel miserabl,
 Goalen incomparabl,
 Qerz d'an ifernou,
 Plaç a drouc hac a boan,
 Na deu mui d'ar vro
 D'on laqât oll en poan.

Na c'houi, Sozon, n'oc'h mui c'hoantec
 Da velet o redec
 Goad ar Vretonet,
 Ho proïs, gouscoude,
 Pa zoc'h retornet
 Da ur guir garante.

Goude ur brezel dirollet,
 Francisien, disquiset;
 Spagn, Hollandisien,
 Russianet ive,
 Pa zoc'h dianqen,
 Rentit gloar da Zoue.

Na vo mui a oel nac a gri,
 Neus mui a enemi:
 Na vo mui a gloas,
 A ravach, a anqen,

A bill nac a laz
Etre ar Gristenien.

Gloar ta dan Drindet e unan,
Tad, Mab ha Speret glan,
Ho tri ur Mæstr mat
En ho Rouantelez,
Eno eo e pad
Ar peoc'h evit james.

Gloar ive deoc'h ha mil bennos,
Princes ar Barados,
C'houi laqa da ren
Eur peoc'h spirituel,
E calon an den
Dre vertu ho Pug'el.

Guerc'hes Vari, c'houi ar g'entàn
Patrones er vro-màn; (1)
Deoc'h eo an homach,
Deoc'h eo an drugare,
Vit an avantach
A recevomp hi.

Bet oc'h eus truez o velet
Ho pugale armet,

(1) Itron Vari ar Vur, Patrones Montroulez.

Ebars en distruch,
 An eil eus eg'ile,
 Vel en un diluch
 O veuzi didrue.

Sinet ar peoc'h ! oll provinçou ;
 Oll rouantelezou,
 Perac n'oc'h-hu get
 Demes eur memes fe ;
 Da renta parfet
 Guir graçou da Zoue ?

Na vouelet get, c'hoareset qes ;
 'Achu ho tienes ;
 Ar Peoc'h a viro
 Ho qerent, ho preudeur,
 Nint mui d'eus ar vro
 Da rancontr o maleur.

Bremâ ta, mamou ha tadou ;
 E chomo var o tro,
 Evit o sicour
 Er c'hlénvet, er yec'let ;
 Ha var ho labour,
 Ar re hoc'h eus savet.

Bremâ oc'h quit da zioueret ;

O piejou caret!
 O ! grag'e cristen !
 Deut da veva gante,
 Vel ma digompren
 Da vugale Doue.

Pet o deus ho buez collet
 Er brezel dirollet ?
 Pet en deus, siouas,
 Collet o isili,
 Ha brêma int goas,
 Hac ho c'herent hac hi.

N'ac a vam g'èz intanvezet,
 A zo maleüruset!
 Nac a vinoret
 Zo diben, diberc'hen,
 Ho zadou collet,
 O nerz hac o souten !

Ganêc'h bremâ, bugaligou,
 Ho tadou a chomo,
 Heb beza barnet
 Da vonet d'ar vro bel,
 Hac eno lazet
 Er gombatjou cruel.

Goude bremâ en he anne,
 An oll, gant graç Doue,
 A allo pleal,
 Qit a goll, a berill,
 Dre reus ordinal
 En profit e famill.

Brêma, pa vo libr an trafic,
 E c'hallo ar public
 Tenna e brofit,
 Meritet dre e boan,
 Pêa ha gounit
 Peoc'h ha muioc'h diboan.

Plijet gant Doue, pinvizien,
 Rei deoc'h sonjou cristen,
 Ma vo soulajet
 Deus ho comodite,
 Ar beorien rentet
 En goal necessite.

Mar oc'h eus neb truez, pedet
 Vit ar re decedet,
 Ho deus er gombat
 Recevet ar maro
 En ur mor a voad
 Evit difen hor bro.

Ar Peoc'h a vezur amitie,
 A ro prosperite ;
 Ar Peoc'h a ro joa ,
 A gresq ar vertuziou ,
 Ar peoc'h a bella
 Proces ha malheuriou.

Neus get evel peoc'h an ene
 Da servicha Doue ,
 An den trubuillet ,
 Nac an den trubuillus ,
 N'a bossedo get
 Rouantelez Jesus.

Ret eo caout peoc'h gant hon nessa
 D'en em santifia :
 Neus nemet malheur
 Vit ar re a vezur
 Enep o breudeur
 Cassoni dinatur.

Peoc'h santel ! presant hep e bar ,
 Chomit var an douar :
 Deus ar Finister
 Chasseit ar bresel ,
 Qen particulier

Ha qen universel.

Renit ar Peoc'h er c'homuniou
 Hac en tieg'ezou,
 Bremañ da vigen,
 Renet er gonsianç
 Dre ar binijen,
 Pe dre an inoçanç.

Tud a vresel a bep coste
 Hac a bep qalite,
 Pa zoch mignonet,
 Rentit gloar da Zoue,
 Bezit unisset
 Bete fin ho pue.

D'ar Generalet ha d'ar Zoudardet a Franç.

C'houi oll oc'h eus meritet mat,
 Dre gourach er gombat,
 Soutenit atao,
 Dre furnez ha prudañç,
 Bete ar maro,
 Ar Rouantelez Franç.

FIN.

E Montroulez, e ti LÉDAN, e ru ar Vur.